

Newsletter Canada

Wie immer... ☺

10.10-13.10

Es hätt gregnet, drum hämer es paar Tag im Shop verbrocht. Mir hend eusere Flexicoil (Anbaugerät) umbaut, so das mir chönd go düngerä. Das isch d Hauptarbeit xsi, aber selbschtverständlich hets au na anderi Sache z mache geh, schmiere, putze, ufrume, Kehricht verbrenne, usw. als Nebeschäftigung.

Spezial Freitag

14.10

Uf büge und breche hend mir a dem schöne Fritig frei übercho. De Grund isch xsi das ä Farm-Auktion in Hamiota stattfinde tuet. Scho uf em Parkplatz het mer gseh das es öppis Landwirtschaftlichs muess los si. Da hets nämlich nur PickUp's und anderi grossi Auto dete gha (kein einzige Subaru). Mir hend denn dene Verkäufer es bitzli zuegloset, nach 3 Stund sind au mir mol nochcho was die säget. Die Verkäufer redet sooo schnell, das die gar nüt meh säget, es tönt scho meh wie es Lied. Janu, mir sind drus cho, wüset wies abläuft, und hend ez das au gseh.



Am Obig hend mir d Möglichkeit gha zum s Fүүrwehrdepot vo Yorkton go azluege. Mir hend e sehr intressanti Fűhrig dörfe gnüsse. Mir hend gse: d Empfangshalle, de Theoriesaal, d Ufenthaltsrüm, d Büros, d Isatzzentrale, d Schlofgemächer, div. Prüf- und Reparaturwerkstätt, de Trainingsturm, s eigete Fitnessrümli und zu guter Letzt d Fahrzűghalle. Während de Fűhrig hend mir au na sportlich iilage gha mit Stange, und Rutschbahn rutsche. So frűndlich wie die Canadier sind, het de Schichtchef gmeint das au na d Autodrehleiterä ufstelle tűnd. Ruckzuck isch die Drehleiter uf de Stűtze gstande. Gschnell es paar Instruktionen und scho sind di erschte 3 im Chorb ine xsi und hend chűnne Yorkton vo obe bestunne. De Chorb het bi 104 Fuess (31.5 m) de hűchsti Punkt erreicht, 360° rundume drähit und wieder abe isches gange.



Newsletter Canada

Weekend

15.10 + 16.10

Am Samstag sind mir denn au wieder go schaffe gange. Aber nur bis am 17.00 Uhr. Denn isches wiitergange mit eusere erlänisriiche Wuche. Nach de Auktion und de Fүүrwehr isch ja nunig gnueg. A dem Obig sind mir nach Regina gfahre für in Usgang. De Usgang isch tiptop gxi, isch aber nöd dä eigentlich Grund für euse Ufenthalt. Am Sonntag sind mir es Footballspiel go luege gange. **Saskatchewan Roughriders vs. BC Lions!** Es Footballspiel wär sehr intressant wenn mer d Regle besser wüssti. Trotz de super Stimmig im grosse Stadion, händ d Riders das Spiel verlore. Aber als richtigi Saskatchewaner blibet de Ueli und de Dani dere Mannschaft natürlich Treu, wiemer au im Bild chan erkänne... :-D



Düngerwuche

17.10 - 22.10

LegacyAgro het na sehr viel Düngemittelkontingent vom Frühling. Das isch de Grund das mir üsere Dünger scho im Herbst in Bode ine tüend. Da es scho sehr chalt isch und scho gli sötti schneie, hend mir jetzt agfange mit Schichtarbeit. Mir wend ja au na möglichst viel fertig ha bevor de Schnee chunt. Somit fangt de erschi am 06.00 a schaffe bis am 18.00. Den findet d Ablösig statt. De Zweiti schaffet denn vom 18.00 bis öbe am 22.30. Und denn fangt de dritti am nächste Morge am 06.00 aa. Und so wird abgewechslet. Nebetbi sind mir au na mit de Schibeegge, em Salford, de Stonepicker und em Scraper unterwägs. Also wie mer gseht, hets ganz en huufe z tue.

Am siebten Tage sollst du Ruhn. → Sonntag. :-D

Es Dankt die Redaktion den beiden Aussenreportern Dani und Ueli.

Grüsse in die Heimat

Dani und Ueli